

小

學

考

小學考卷二十四

廣教大夫兵部侍郎兼都察院右副都御史巡撫廣西南康謝啟昆編

又字十六

周氏

剛

藝類要

卷見黃潛文獻集

未見

黃潛後序曰先王之教內施於國子外被於萬民其教之者有三德三行六德六行之別而均教以六藝爲法至詳且密爲事至煩且勞而人生其時無弗學焉後世經殘教弛專門之士有不能知其名物而通其意者矣况夫貴游子弟與凡民哉幸其遺法散見

於經傳而雜出于他書後生小子雖以殊時異制不得身習其事猶可誦其言而粗窺其彷彿先儒朱子懼浸遠且益墜爰輯而彙次之以詔于方來其凡目存于小學之書而其宏綱大義微文小節悉著于儀禮經傳通解朱子自序禮之通行者及鄉射大射已畧見諸篇樂經亡逸遺聲久絕而書數日用所須不可不講取周禮鄭注太史公淮南子前後漢志杜氏通典爲鍾律篇取唐開元十二詩譜爲詩樂篇取許氏說文解字序說及九章算經爲書數篇廢不可考者惟御法而已然其書作於朱子之晚年喪祭二禮旣以屬之門人嘗欲請於朝以鍾律別爲一書而奏

不果上大射而下俱未脫棄書數則闕而弗具朱子之有志而未遂者能無望後之君子起而成之乎此六藝類要之書所爲作也某竊觀其所述五禮之義六樂之歌舞五射之法五御之節六書之品九數之計一本諸經而參稽乎傳注史氏百家之說推尋其端緒以廣先儒之未備折衷其牴牾以啟先儒之未發有功于新學固多矣豈徒足爲好古博雅之一助哉顧今之爲士者類皆慕遠大而忽細微穿穴性命窮極高深而不察夫制度文爲皆非聖人精神心術之所寓道之與器未始相離也明先王之所以教而成朱子所欲爲之志不在是書乎書凡六卷臨江周

氏剛善父述有翰林揭公曼碩與某之同年王君師
魯所爲序某獨邇其原流之自以爲是書實繼先儒
而作庶幾同志之士共謹其傳焉

舒氏 天民 六藝綱目

二卷

存

張翥序曰古者教人之法六藝而已周官大宗伯掌
之六藝通習故士皆可用公卿大夫居者冠冕佩玉
以理朝政一有戎事則出爲將帥介冑行陳文武兼
舉而無不得其任者由教之有方而學之有其素也
六藝今惟書筭是用人亦罕習朱文公著小學書特

表焉徒名從爾四明舒君隱儒也纂爲綱目子恭注
之條陳詳解不啻折旋於儀文之間詠詔於音樂之
所司客於賓卿之次爲範於驅馳之地可謂明且備
矣至正癸巳予以太學博士考試大都至秋闈發策
漢人問以六藝衆皆罔然叩簾語之尙弗達所答遺
五得一舉二舛四終場無全策第曰試官困我舉人
而已蓋以爲兒童之學而易之不知此成德達材之
先務也鄞令陳止善彙此乞序刊行以惠學者學者
能致意此書按古禮以參今禮而知其數度損益之
宜按古樂以證今樂而知律呂旋生之妙按古書以
校今書而知聲形訓詁之文射雖禁而弧矢有其方

御雖廢而駿駕有其法亦所當知也數則古今一爾果善乎此豈非博物之通儒哉舒君諱天民號執風子恭字自謙號說齋至正甲辰冬仲月望日

胡士佐序曰曩嘗授童子業或問以六藝畧舉其綱答之次問所名之目記已不能悉又次問衆名所立之義記尤不能詳私竊病之欲纂集便觀覽未遑也自濂洛諸賢講明窮理盡性之學辭必成文文必綴字字必取義義有難知先儒或爲之說名曰字訓愚猶意有所未盡欲續之以足遺闕未能也比僑四明士友舒君自謙出示其先人藐風先生所作六藝綱目及性理字訓譜遺二書綱舉目張類聚條析制度

事爲具載其實詞意旨趣明著其義皆四言成句聲韻叶諧便於誦記非徒可用爲啟擊蒙童之具雖老於學者得之亦足以備遺忘資講釋信有益哉吁人心不相遠恩也獨嘗有志於斯未遑詎意已有先吾著鞭如藝風者乎三復起敬書此于卷首而歸之至正丁酉秋七月

楊汝序曰先王以鄉三物教萬民而六藝已習於小學之時及夫世降教弛而六藝之所存者名耳學者又漫視之而所存之名乃復記之不悉語之不詳況能尋其至理之所寓耶識者病焉藝風舒先生乃推其名之所始義之所在綱以提其要目以盡其詳作

爲六藝綱目類分臚列循文生訓句以四言使觀者
便於記誦其子恭又加注釋指意原委儀物度數粲
然明備於戲因是書而名之存者常接于目常接于
目則得于心得于心則先王之遺制或由之而舉豈
小補哉至正二十五年十一月

劉仁本序曰人生八歲教以灑掃應對進退之節禮
樂射御書數之文此雖小學之事而世之擊蒙授徒
者往往僅能汎舉其大槩以語之而於衆目之詳已
不復記憶醜糺折對必資檢閱而後罄焉此藝風舒
先生六藝綱目之所由作也然聖人生而知之亦曰
義理耳至於名物度數必待講學而明苟講之弗明

弗措者於此編不爲無補

舒恭序曰先君生甫十歲而宋社亡泣曰吾不可以有爲矣及長以隱儒名其堂旌厥志也一日讀漢書至君子舒六藝之風之句撫卷笑曰班孟堅其先得我心之所欲乎因自號藝風同郡太傅蔣公汝礪歎曰先生之號甚美矣他日表章六藝其惟先生乎先生嘗病世之君子以六藝爲教者僅學其畧乃博采六藝集爲章句曰六藝綱目以詔家塾識者翕然稱之曰先生之美號斯稱矣夫顧世之輯是書者多矣然未有若此之簡而明且句以四字尤便初學誠六藝之指南也請與同志共之由是繕之者衆居無何

先君下世手澤未乾嗚呼痛哉恭不能繼述徒爲人子遂忘固陋乃討論而注之至正甲辰夏邑令陳君正善以之達承旨仲舉張公公喜曰何見此書之晚也乃序其端有曰四明舒君隱儒也夫隱儒之稱豈偶然哉恭也一讀則再三感慨爲重悼先君生不逢時抱恨而歿所賴遺墨有補世教復有字原亦學者所好附于卷後吁先君學而不仕非隱儒乎六藝之風自我而舒蔣公之期不謀而符今乃壽諸梓而惠後學其庶乎可以無憾矣夫丙午三月

又題辭曰維古設教以鄉三物六藝居一蓋不可忽八歲蒙士初入小學先誦其文旋加攷索迨其長也

則復游焉博極旨趣才惠可全顧諟六藝有條有理
昔之學者无間終始於戲說秦典籍煨燼六藝樞要
亡滅殆盡五禮六樂條目具存節文音調舉莫討論
曰射曰御亦不易語執弓行車罔循軌度六書之品
九數之計人生日用疇能或廢聖遠經殘風頽教弛
師生授受滅裂而已時觀字學信筆而作校之古文
十字九錯然則五者槩可知矣教或得人學元難爾
士夫爲學學書宜先次則數也射御繼焉若夫治體
禮樂爲急有國有家盡先教習後世沿襲惟訓孺子
豈知大學實基乎是嗟我先君有感於斯纂集成章
網舉目隨恭也不敏龜勉箋注新學習之庶知門戶

舒濬後序曰古人八歲入小學教以禮樂射御書數
之文收放心養惠性作成賢才而賓興之世衰教弛
此學不行久矣吾伯父執風先生纂集六藝名曰綱
目俾童稚習爲進惠之基惜未行世而沒也其子自
謙攷訂箋注之名公巨儒厯序而表章之然而未克
刊行也戊申春予假館于良學錢氏以此編示之三
復稱歎遂得以成其美於戲學者皓晉著述而不得
行于世者幸本書存也今遇良學慨然玉成是書使
爲師者皆知六藝之蘊教人以待於用誠後學之大
幸也良學武肅裔也於此可謂賢也與戊申歲書雲

四庫全書提要曰元舒天民譔天民字藝風鄞縣人
是書取周禮保氏六藝之文因鄭元之注標爲條目
各以四字韻語括之其子恭爲之注同郡趙宜中爲
之附註均能考證精核於小學頗有發明惟其中論
六書轉注一門以爲轉注者乃轉形互用有到有側
有反有背今求其說若云倒𠂔爲𠂔反正爲𠂔雖本
傳記然究屬會意字至爲尸爲側人仁爲側口則誤
從周伯琦說文字原之論於制字之意反乖耳至其
九數一門以密術推鄭注頗爲詳至以之補正賈疏
亦攷禮之一助也恭字自謙號說齋宜中字彥夫其
書刊於至正甲辰前有張翥胡世佐揭傒斯劉仁本四

序皆未言及宜中附註事末有舒肅後序題戊申歲已爲洪武元年反不及宜中則宜中疑爲明人其始末則不可考矣又案六藝皆古之小學而自漢志以後小學一類惟收聲音訓詁之文此書轉無類可歸今附錄於小學之末存古義也

趙氏

搗謙

六書本義

明志十二卷

存

明史文苑傳曰趙搗謙字古則更名謙餘姚人宋秦悼惠王之裔與朱右謝肅徐一夔輩定文字交天台鄭四表善易則從之受易定海樂良鄞鄭真明春秋

山陰趙似長於說詩迨雨善樂府廣陵張昱工歌詩
無爲吳志淳華亭朱芾工草書篆隸揭謙悉與爲友
博究六經百氏之學尤精六書其言曰水火之生人
不可一日無之而不汲汲者以其隨取隨足故衆人
昧焉惟聖人于易坎離始終明之字書之爲用亦若
水火人顧不察爾又曰士人爲學必先窮理窮理必
本讀書讀書必本識字六書明然後六經如指諸掌
矣隱居臨山萬書閣築考古臺取諸家論著證其得
失作六書本義繼成聲音文字通約之以造化經綸
圖又作學範共著書三百餘卷時目爲考古先生洪
武十二年徵修正韻終瓊山教諭其後修永樂大典

以其門人柴欽言卽其家取所譌聲音文字通以備采錄

摛謙自序曰六書何爲而作也皇昊羲農繼天立極將曰開物成務載道傳世而作也蓋至樸未敝六書之理已悉具於沖漠無朕之中粵自元氣厚分天浮地降日月著明星宿縣象云雨變化山川流峙與夫人物草木鳥獸之紛然賁若者莫非自然之書天不能畫於是滎河出圖假手皇羲而六書之文興時則有若朱襄候剛從而廣之而六書之字備六書既備則結繩之政代而人文昭天地之理載而萬民察六書之時用大矣哉泮泮乎虞夏商周之世其道大明

而司徒之識設保氏之教立及嬴政暴興燒毀文籍
李斯乘時改作兼用其私程邈王次仲苟趨省易分
隸兼行於是其道始微漢著其法大史試學童諷書
九千字曰上乃得爲吏民上書字或不止輒舉劾
之至宣帝乃命諸儒修蒼頡法光武時馬援上疏論
文字譌謬和帝命賈逵修理舊文於是許慎博采稽
考訪之於達著爲說文後世宗之魏晉及唐能書者
輩出但攻巧點畫波折程其姿媚而文字破碎然猶
賴六經之篆未易至天寶間詔曰隸法寫六書於是
其道盡廢其有作與之者如呂忱之字林李陽冰之
刊定徐鉉之集注徐鉉之繫傳王安石之字說張有

之復古編鄭漢仲之六書畧戴侗之六書故楊桓之六書統倪鏜之六書類釋許謙之假借論周伯琦之正譌之類雖曰有功於世然猶凡例不立六義未確終莫能明其旨指事爲象形會意爲指事旣非矣至有旨轉注爲假借會意爲轉注則失之甚者也於乎正書之不顯俗書害之也俗書之相仍六義之不明也古則自早歲卽嘗研精覃思折衷諸家之說附旨已見僎集六書之義正其旨母統子旨子該母子復能母婦復孕孫生生相續各有次第分爲十類旨象天地生成之數著爲十二篇旨象一年十二月部凡三百六十旨當一棋之日月該萬有餘數旨當萬物

之數其相重亦俗變眉譌通之數不能悉計而亦不
之計者又曰見世道無窮之變焉凡五曆始克成編
而名之曰六書本義曆乎士之爲學必先窮理窮理
必本夫讀書讀書非識字之義所載所該曰俟心悟
神入豁然貫通則於上達乎何有此古聖賢之設教
賢夫博文也古則不敏何足曰知之然區區一得之
愚不設不取正於有道政古君子尙恕其僭而取其
心焉時洪武十有一年春正月朔

徐一夔序曰古者六書之法皆掌於官成周保氏之
職以六書教國子而書之設以同文爲盛故又有外
史掌達書名行人掌諭書名漢循其法太史試學童

諷書九千字者得爲吏吏民上書字有不正者則糾率之其掌於官可知已夫書非曲執也大而二帝三王周公孔子之道次而古今成敗得失之迹九流百氏雜家之說又次而官牘家乘錢穀訟獄米鹽碎務之記注莫不有賴於書蓋不容于一日廢者也而爲書之法六曰象形曰指事曰諧聲曰會意曰假借曰轉注其爲法也有子母相生之類形聲清濁之別五方言語之異用之者易流於譌舛自夫官失其守大夫士務趨簡便以指事爲象形者有之以會意爲指事者有之至有以轉注爲假借會意爲轉注其失滋甚于是六書之意不明而義理之精微有失其本真

者矣越人趙君搗謙深以爲病取許叔重而下諸家
論著之書考其得失推子母之相生俾各歸其類正
五方之言語律以四聲而以子母相生之例統之爲
凡例以提其綱爲圖說以括其要分爲十數著爲十
二篇釐爲三百六十部於是六書之義明而六書之
用無謫舛之患矣嗟乎大夫士之於六書譬之麻縷
絲絮莫不以爲衣也而或不知其出於蒔育稻粱魚
肉莫不以爲食也而或不知出於佃牧習而不察此
固人情之大較搗謙非有官守如古外史行人之所
掌而能用力於衆人所畧之地何其用心之專也哉
搗謙裔出宋宗室志懋而守恬其學邃於經術諸子

百氏莫不記覽著爲文辭抑揚反復能沛然盡其所
欲言而不畔於道觀其所著六書論可見已至於六
書本義則其尤盡心者也方國家校正韻譜徵至京
師稍試其所學擢中京國子監典簿旋以疾引退遂
克畢力於此書成徵余序之雖然余固習而不察者
者也安能發其蘊以摛謙請之力姑著其用心之專
云爾

桑調元趙考古先生遺書序曰趙考古先生初名古
則更名謙字摛謙餘姚人宋秦悼惠王之後明洪武
間領鄉薦初徵至京修正韻尋出爲中都國子監典
簿雖不與修正韻卽用其說歸築考古臺復召爲瓊

山教諭稱海南夫子先是宋濂至是邱濬竝遣子受業焉著聲音文字通百卷永樂間上於朝謂文象周爻孔翼皆從羲畫出書失傳著造化經論圖標康節詩句希至聖賢餘著書尙多盡軼竹垞作傳言與朱右謝肅徐一夔爲文字交受易于天台鄭四表友定海樂良鄞鄭真考春秋山陰趙俶考詩迨甬考樂府廣陵張昱考詩無爲吳志淳華亭朱芾考草書篆隸推其尤精六書作六書本義此聲音文字通之所由成也末言作圖及學範共三百餘卷卒時年四十有五亦祇目其訓詁詞章包羅羣有耳嗚呼奇士聚精覃研所著書與秦灰等天地之至寶湮沉鴻覽博物

者傷其傳之有幸有不幸蓋用以自悼也皮陸指文
譽生涯爲戒其意亦爾予獨謂先生躬體正學上接
濂閩之脉持已以敬爲基本其所著造化經論圖與
圖說獨不泯與周子易通相發明微特發揮一中之
分心上之起俾天人之奧招揭行間爲康節之功臣
天之不沒是書不喪斯文也此書存餘皆鱗爪矣吾
師勞餘山先生又四百年後崛起于餘姚遺書經水
火不滅今已上續紫陽之著述與先生輝映于陽山
濱海之地吾姚之正學流傳興起於無窮端在是矣
徐君意欲刊之廣布問序于予予因感于北溪字義
非志于辨正四聲蓋一貫宗傳寓焉讀是編則文字

通之學可知矣

四庫全書提要曰焦竑筆乘稱撝謙字學最精行世者惟六書本義及學范六篇學范蕪雜殊無可取是編六書論及六書相生諸圖大抵祖述鄭樵之說其凡例有曰說文原作五百四十部今定爲三百六十部不能生者附各類後今以其說考之若說文畱字爲一部以畱字爲子而撝謙則併入田部說文包字爲一部以胞匏字爲子而撝謙則併入勹部說文幺字爲一部以幾幽字爲子而撝謙則併入幺部凡若此類以母生子雖不過一二而未嘗無所生之子與凡例所云不能生者不同乃一概併之似爲未當又

若說文儿部儿讀若人充允諸字從之與人字異體而搗謙則併入人部說文本部臬字從本從白而搗謙誤以從白爲從自附入自部則於字體尤舛第於各部之下辨別六書之體頗爲詳晰其研索亦具有苦心故錄而存之以不沒所長焉

按六書本義其論曰六書一曰象形文字之本也二曰指事加于象形者也三曰會意四曰諧聲合夫象形指事者也五曰假借六曰轉注侏夫四者之中也獨體爲文合體爲字象形指事文也象形文之純指事文之加也會意諧聲字也諧聲字之純會意字之間也

假借轉注則文字之俱也肇于象形滋于指
事廣于會意備于諧聲至于聲則無不諧矣
四書不足然後假借以通其聲聲有未合而
後轉注以演其聲象形指事一也象形有加
爲指事會意諧聲一也會意主聲爲諧聲假
借轉注一也假借叶聲爲轉注明乎此則六
書之能事畢矣其書分十類凡三百四十部
合一千三百字每字先反切以知其聲次研
釋以知其義次引証以明其用次說六義原
造字本旨次假借次轉注各圈於上以爲端
自謂精研覃思折衷諸家附以已見凡五勝

始克成編前有論七圖十二

趙氏

搗謙

童蒙習句

四庫全書目一卷

存

搗謙書後曰好古而不諧今則窒而不通博文而不約禮則汗漫而寡要故君子貴乎酌古以準今守約以施博也凡古之道舉皆廢墜惟書得行自夫隸草擅場六義由晦而書之廢亦偕余不佞研精覃思竊成六書本義聲音文字通二書又慮童幼之士汗漫不得其要復習字母偏旁凡千二百字鍊成四方言句庶乎守約而施博也以四體書之庶乎酌古以準

今也於是篆本之六義分隸之苟易草書之狂悖亦自可領其要矣然分隸有門無門有聲無七之類草之有處無處有業無業之類又不如分隸抑亦可以觀世變也雖然若天卿豪愛之體近古秦泰奉春之首異隸則草亦有可取者焉

四庫全書提要曰焦竑筆乘載搗謙著書十種此書居第八惟六書本義及學範行世餘書則邱濬李東陽謝遷先後訪於領南不獲則此書爲明人所未見亦僅存之本矣其例凡列一字必載篆隸真草四體然小篆及真書各有定格而隸草變體至多不能賅備姑見崖略而已搗謙本以小學名此則鄉塾訓課

之作非其精義之所在也

馬氏

琬

偏旁辨證

千頃堂書目

存

蘇伯衡序曰扶風馬侯未出仕時僑于嘉禾嘉禾之士相率委質而師焉侯病世之學者於書置而不講自一字以至偏旁承僞踵誤十八九乃爲書若干篇曰偏旁辨證與承學之士講習云及侯出而爲郡臨川而東陽蔡侯適以進士守郡謂侯此書誠有補於小學者也可不廣其傳乎馳書金華屬余叙之予惟先生之教小學必以六藝書其一也稽之周官掌養

國子教之六書有保氏焉三歲則一考之以同其文
其爲教如此是以其時士無弗知書是非有正而人
不敢用其私也歷秦漢而至于唐經殘教弛已久書
之爲書也因世生變趨便就簡非盡復先王之舊矣
然猶有維持之法焉太史試學童能諷書九千字以
上乃得爲吏又以六體試之課最者以爲尙書御史
二書令史吏民上書或不正輒舉劾漢之制也取士
有明字科學館諸生試書凡書學石經說文字林先
口試通乃墨試說文字林二十條十八通爲第唐之
制也其爲法如此是以其時士亦無不知書是非有
正而人不敢用其私也自時厥後時異制殊非惟先

王之教不復而取士之法亦莫之行矣學士大夫率謂書非切已事高談性命者慕遠大而忽近細游心執事者較工拙而論媿妍班揚賈許陸薛二李二徐之說雖有存焉幾何人能盡其心也昧形聲事意轉借之辨迷文字母子聲音之原夫豈獨後生小子哉先儒朱子患之嘗欲取說文解字字序爲書篇以詔于其學惜乎有其志而其書未就焉嗚呼成朱子所欲爲之志以明先王之所以教豈不在後之君子乎此馬侯之書所以作也竊觀其書凡一字之全謬僞旁之不經流俗之習熟傳寫之差舛牽張而穿鑿杜撰而因襲一點一字之分一畫一字之別同音異從

類莫不推尋其端緒論列其得失考訂其牴牾區別其部類而其取舍義例有不合於班揚賈許陸薛二李二徐之說者蓋鮮矣明先王之教成朱子之志端在於此書乎國家方稽古以制度學校之教修取士之法行吾知亦將有取焉而於同文之治不無功矣豈惟有補於小學云爾哉是用不讓而爲之序使覽者知其書實繼先儒而作而盡其心焉庶幾蔡侯之志也

貝瓊序曰自洪荒旣裂而有文其法具於六書而數則窮於萬有一千百五大篆易而爲小篆小篆易而爲楷書其變不一然豈有舛於一波一戈而戾六書

之法哉後世小學既廢而率承俗書之譌妄意古文不可盡求之點畫之間如以寧爲丁以丁爲一爲省文示意文愈變而失愈繁矣則偏旁雖非大義之所損益學者惡可略而弗校以致魯魚帝虎之謬與宋紹興進士毛晃增修四聲之譜既已正其偏旁如支支毋母及父美美之類固足以爲經生學士之助而扶風馬君文壁獨病近習之多出於私見豔之爲艷夷之爲夷丰之爲丰船之爲舩尼之爲屮屈之爲屈晉之爲晉臺之爲臺鑪之爲爐鎗之爲燈是非贅亂於是詳求同音異用同形異从一點之分一畫之別悉攷說文及五經等書釐而正之凡若干卷題曰偏

旁辯証其視毛晃所定爲有加焉

黃虞稷曰琬字文璧紹興人從楊維禎學春秋官撫
州知府貝瓊爲叙

劉氏彦振篆韻集鈔

千頃堂書目

未見

黃虞稷曰彦振鄱陽劉彥昂弟洪武中薦舉官知縣

汪氏克寬六書本義

千頃堂書目

未見

明史儒林傳曰汪克寬字得一祁門人十歲時晝夜

誦習專勤異凡兒問業于吳仲迂志益篤元秦定中
舉應天鄉試中選會試以荅策伉直見黜慨然棄科
舉業盡力于經學洪武初聘修元史將授官固辭老
疾還卒年六十有九

謝氏林字學原委

明志五卷

未見

黃虞稷書目曰林毘陵謝應芳子洪武中官新鄭教

諭

穆氏正文字譜系

明志十二卷

未見

黃虞稷書目曰正字景中四明人明初官靈璧知縣

王氏

仲芳

文字考證辨謠

方孝儒遜志齋
集作篆書考證

千頃堂書目

未見

黃虞稷曰仲芳寧海人

方孝儒序曰由古以之今存乎勢援今以反古存乎
人天下之勢舍厚而趨薄舍謹而爲漫舍難成而爲
易習如水之下流滔滔汨汨不至於極不止非有篤
志卓識者不能知其不善而亟反之幸有一人知其
不善矣自非達而存乎位亦不能奪舉世之所嗜而

挽之復乎古是以二帝三王之禮樂政教餘文舊俗
歷數千年以至於今時易遷幾至放不可復者豈無
豪傑之士生乎其間而欲正之哉猶智不足以啟羣
惑言之者一而排笑之者千萬雖欲回流俗之勢而
不能也六書於民用最切而其變爲最甚自篆而爲
分隸自分隸而爲行草日趨簡易經涉流蕩而無法
使古人復生而視今之字必將駭眩而驚歎而人固
鮮有知其非者間有好古之士知之而力不足以制
已然之勢不過著之於書以發其所得自漢許叔重
說文以來著書之存於世者雖有精粗詳畧之殊而
其用志深遠終非流俗所及然世之知而好之者已

難乎其人好而能通其意考其得失補其未脩而羽翼之者宜乎其尤難也寧海方塘先生仲芳自少篤志古學至老不倦嘗病俗字之亂真害正本諸古以正末流之失作文字考正辨譌之書以示學者其言皆有徵據不爲臆說使人人因其言而求許氏說文以探古人制作之初意引天下以復古寧有禦之者乎雖然文字之學蓋學者之一事耳天下所以治亂存亡者不專在是也井牧變而民無定志比閭族黨變而鄉無善俗蒐狩師田之法變而國費於養兵讀律飲射之法變而官疲於聽訟其大者如封建學校其小者如名物衣冠其異於篆之行草者曾幾何哉

小學考 卷二十四

三

予嘗妄欲爲一書以正訛解惑而未之遂先生之父
祕書公以博學多識爲元文人其所受而知者蓋非
特字學而已苟有大於此者論次成書以補六經之
遺缺洗百世之陋習其非學者之所望乎予庶幾預
聞之

鐘氏 耆德 養正錄字體

福建續志書目一卷

未見

福建通志傳曰耆德字元長閩縣人家貧不娶教授
生徒以養親清修苦節其學博極羣書

丁氏 日造 六書考

福建續志書目

未見

包氏

宏六書補義

見江西通志

未見

江西通志傳曰包宏字用夫進賢人希魯次子洪武初舉文學陳情乞養再以文學首舉辭不獲奉使山西著六書補義

夏氏

誠

六書正疑

浙江通志書目

未見

林氏

天爵

庸字備攷

浙江通志書目

未見

駱氏

文衡

字學原委

浙江通志書目

未見

秀水縣志曰駱文衡字李銓

來氏

嘉謨

字學原流

浙江通志書目

未見

按來嘉謨蕭山人

陸氏

曾奕

字原

浙江通志書目

未見

按陸曾奕蕭山人

季氏

守鏞

六書本義內外篇

浙江通志書目

未見

倪氏

公武

六書本義

浙江通志書目

未見

按倪公武金華人

李氏

陽春

難字智燈

澹生堂書目二卷

未見

陳氏

錫

斷坑論字夜談

澹生堂書目一卷

存

按是書在陳祠部集內

劉氏

寅

六書直解

山西通志書目

未見

山西通志曰劉寅太原人

常氏倫校正字法

山西通志書目一篇

未見

張氏亦堪說楷

山西通志書目一卷

未見

小學考卷二十四終

男學崇拔字

小學考卷二十五

資政大夫兵部侍郎兼都察院右副都御史巡撫廣西南康謝啟昆編

文字十七

黃氏

諫 从古正文

明志六卷

存

甘肅通志傳曰黃諫字廷臣蘭州人博古多藝工篆隸行楷登正統七年進士歷官侍講學士後謫廣州府判從學者甚衆廣人立祠祀之所著有詩經集解使南臺從古正文蘭披集行世

錢曾敏求記曰从古正文一卷篆文正楷點畫不容

少差此書存其遺跡且依韻易檢焦弱侯藏茹真生
手錄本徐元懋印史極稱之

四庫全書提要曰其書考正字畫之譌以洪武正韻
隸字每字大書正文而分疏訓詁注作某某非於其
下所推論六書之義未嘗不確而篆變八分八分變
楷相沿既久勢不能同古楷之不可繩以小篆猶小
篆之不可繩以籀文諫乃一一以小篆作楷奇形怪
態重譯乃通而究其底蘊實止人人習見之說文九
千字非僻書也無裨義理而有妨施用所謂其言成
理而其事必不可行者此類是矣

明志十八卷

佚

江西通志傳曰涂觀字恒孚豐城人天順進士成化間歷南京吏部考功郎中遷衢州知府復知寧國著有六書音義

張詡序曰六書音義一書致政郡守豐城芝軒涂先生所輯其冢嗣憲副鄉儀刻之以傳者也其爲卷十有八其爲門十有三其爲部五百十有四其爲字總若干萬其真楷主洪武正韻附之以古文篆文籀文其音切亦主正韻而兼取玉篇其釋義雖本說文凡涉穿鑿者悉刪去而兼采他說文字正而無玉篇之

冗音義正而無說文之鑿可以左右正韻而備一代
書學之製與昔之玉篇廣韻韻府字統諸書並行於
世無疑也先生自登仕版以來四十餘年無所好獨
好儲書將踵鄴侯之富政暇手不釋卷旣歸老于劍
江之上也日雜從事于著述此其一焉憲副公携之
入廣刻已屬走也一言以引諸端嗟乎結繩廢而書
契生書契之初作也依類象形謂之文形聲相益謂
之字而著于竹帛則謂之書也周禮小學保氏教國
子先以六書六書者象形會意指事轉注諧聲假借
是也書必有音宮商角徵羽是也音必有義訓詁是
也音失則陷江左之偏義失則陷荆國之妄而六書

於是乎失真矣此六書音義之所由以輯也明皇大
一統文字無寄象鞅譯之殊然惟章奏用正韻公文
移券課程碑板之類往往尙沿舊俗氣豈有味文字
體用原流與失音義之所在故與是書一出啟初學
醒羣蒙其有功于書學也不少矣若夫含情性于顧
眄蓄血氣于典策沐之以虛圓不測之神浴之以浩
然剛大之氣去睢盱側媚之態回熙熙穆穆之風使
閱之者神和而氣融此則又音義之外有別傳焉所
謂神而明之存乎其人者也抑聞穆叔立言不朽之
說詩孝思維則之訓先生之立言固足以爲不朽圖
矣而憲副公思章親美其孝思必足以爲錫類之勸

也走也故千序末表而出之

按是書今已見傳本張詡序從明文海錄出
千頃堂書目言宏治十八年徐竝序

魏氏校六書精蘊

千頃堂書目六卷

存

明史儒林傳曰魏校字子才其先本李姓居蘇州葑
門之莊渠因自號莊渠宏治十八年進士歷南京刑
部郎中改兵部郎中移疾歸嘉靖初起爲廣東提學
副使累遷國子祭酒著有六書精蘊卒謚恭簡

校自序曰嗟周之衰天王之弗考文也久矣泰以古

德閭位強取文字而同之乃後世惟李斯是師先秦
古文則旣闕有間矣其別出者多列國未同之書然
則文終不可考與曰文者非他也心之畫也所以體
天地萬物之謨也古文先得我心之所同然耳心之
所同然者何也天然而然心學而明也貫若一矣古
人之心學大以密倉頡之作六書也猶之伏羲之作
八卦也若剖混沌而開之其道易簡愚夫愚婦可使
與知不知不足以言道乃其精蘊則有學士大夫不
及盡知者是故傳久則易以譌有王者作議禮制度
而考文心法同也昔者周宣嘗考文矣古文之變而
爲大篆也史籀所述也文字浸以備矣開闢而後與

有功焉者也心法之微傳與否與今固弗能知矧秦之斯彼何人兮而其心乃敢曰古亦莫予若矣茲其萬惡之根矣大篆之變而爲小篆也斯實紛更之文字則大備矣混沌之鑿也亦多矣秦以吏道易君道天下實擾擾焉程邈因是以隸書代篆書六書亦墜地矣要之二人者同于輔桀者也校嘗曰三代而上一宇宙也自秦限之矣秦弗稽古師先王而歷代師秦以爲故詎惟六書也哉校生千載之後悼斯文之久湮欲請于上因古文是正小篆之譌擇于小篆可者尙補古文之闕多病未遑則爲之贊發大義以闡心法學者毋湮于書而博之天地萬物毋徒求之天

地萬物而反求諸心天機之不器于物也古猶今也
噫天而欲與斯文也茲其濫觴也已或曰斯無道秦
百代羞也請廢斯篆一洒空之無寧嫌于志乎曰斯
篆亦詎能盡廢斯篆今亦何必盡廢且使天王而考
文也亦惟祖頡而參諸籀若盤盂書定而一之斯篆
可者取之其不可者釐正之惡而知其美曠若天地
之無容心焉邈隸亦必修之與俗宜之翻篆而楷傳
無失六書掃官府之繁苛灰書籍之叛經離道者復
歸于民樸毋或珞珞矣或曰噫信斯言也古道可還
也六書云乎哉

四庫全書提要曰是書自序謂因古文正小篆之謬

擇小篆補古文之闕又謂惟祖頡而參諸籀斯篆可
者取之其不可者證正云云然字者滋也輾轉滋生
如子孫之於祖父血脈相通而面目各別校必以古
文正小篆是子孫之貌有不似祖父者卽謂非其子
孫也又擇小篆以補古文是子孫之貌有偶似其祖
父者卽躋之於祖父之列以補其世系之闕也元以
求好異之流以篆入隸如熊忠韻會舉要所譏者已
爲駭俗校更層累而高求出其上以籀改小篆之文
而所用籀書都無依據名曰復古實則師心其說恐
不可訓也未附音釋一卷乃其門人徐官所作以釋
注中奇字者書有難解假注以明而其注先需重譯

則乖僻無用可知矣

徐氏

官

六書精蘊音釋

千頃堂書目一卷

存

錢曾敏求記曰魏莊渠六書精蘊音釋一卷此於六書之學詳考極佳向是徐元懋手寫槧本後附莊渠先生親筆書四紙亦墨莊中一古物也

天祿琳琅曰六書精蘊後附校門人徐官音釋舉要一卷官因字有難識者爲音俗字於書端并附舉要於書末以便披覽官吳人正德十二年進士第見太學題名碑

劉氏 孟 字林篆要

千頃堂書目

未見

黃虞稷曰孟安福人成化丁未進士延綏巡撫都御
史

朱氏 嘉禎 字義博考

千頃堂書目

未見

黃虞稷曰嘉禎濟寧人宏正間隱士

戴氏 冠 奇字訓釋

見文徵明甫田集

未見

文徵明謨戴先生傳曰先生名冠字章甫長洲人屢試不獲解宏治四年以年貢貢禮部選浙江紹興府儒學訓導著有奇字訓釋若干卷

戴氏冠濯纓亭字義

澹生堂書目一卷

存

按是書載濯纓亭筆記中疑卽奇字訓釋也

方氏仕集古隸韻

四庫全書目五卷

存

四庫全書提要曰明方仕謨纂是時有二方仕一爲固始人正德戊辰進士一卽此方仕字伯行寧波人也其書以漢碑隸書分四聲編次全襲宋婁機漢隸字原而變其一二三四等目以千字文天地元黃諸字編之體例甚陋又摹刻拙謬多失本形前有嘉靖丙戌市舶太監賴恩序蓋仕爲恩題射廳榜恩因爲損貲刻之又有浙江進士章涓序亦頌恩之功蓋均不足道云

周氏 瑛 書纂作字學纂要

明志五卷又音釋一卷

存

林俊誤周公墓志銘曰公諱瑛字梁石蒲田人號蒙
中子白賁道人翠渠其最後號也成化己丑進士累
官四川參政尋右轄進資善大夫所著有翠渠集經
世管鑰呂律管鑰字學纂要詞學筌蹄地理著龜周
易參同契本義

周氏瑛字書啟鑰

千頃堂書目

存

王氏應龍同文備考

明志九卷

四庫全書
目八卷

存

明史儒林傳曰王應電字昭明崑山人研精字學著同文備考九義音切貫珠圖

黃虞稷書目曰嘉靖十八年乙亥敘書法指南一卷翻楷舉要一卷字聲定母一卷經傳正譌一卷音韻會通一卷韻要初識四卷

四庫全書提要曰同文備考八卷附聲韻會通韻會粗釋二卷明王應電謨是編考辨文字聲音其學出於魏校而乖僻又過其師前有自序謂洪武正韻聞以小篆正楷書之譌而未嘗以古文正小篆之謬於是著爲是書取古文篆書而修定之竝欲以定正許慎說文之失襲戴侗之遺法分爲八類曰天文曰地

理曰人容曰人道曰人體曰動物曰植物曰用物舉
是八綱以領其目又舉諸目以附綴偏傍系屬諸字
考書有古文有大篆有小篆三代以下得以考見六
書大畧者惟賴小篆之存得以考見小篆本旨者惟
賴說文始一終亥之目州居部次不見陵亂是以上
通古籀下貫隸楷猶可知其異同因革之由若大篆
則見於說文者不及二百字卽岐陽石鼓傳爲籀書
尙不能盡目爲大篆況古文見於說文與出於鍾鼎
者已自不同必欲併合論之名爲復古實則鑿空遂
至杜撰字體臆造偏傍竟於千百世後重出一製字
之倉頡不亦異乎且旣不信說文矣而於說文引述

諸經文句互異者乃反據以駁正經文不知漢代經師多由口授被諸竹帛往往異文馬鄭以來諸儒商摧折衷乃定爲今本慎書所據如易用孟喜之類其序本有明文不過當時一家之學應電乃執爲古經拘泥殊甚至所附聲韻會通韻要粗釋二卷改字母爲二十八改韻類爲四十五爲橫圖以推衍之其於古今異宜南北異讀皆所不考合其所不當合分其所不當分又每字合以篆體端緒叢雜如治亂絲亦可云勞而鮮功矣

楊氏慎
六書練證

明志五卷

存

明史楊慎傳曰慎字用修新都人少師延和子也年二十四舉正德六年殿試第一授翰林修撰疏諫不得命下詔獄庭杖之謫戍雲南永昌衛卒明世記誦之博著作之富推慎爲第一詩文外雜著至一百餘種並行于世隆慶初贈光祿少卿天啟中追諡文憲楊氏

慎

六書索隱

明志五卷

存

慎自序曰慎自志學之年已嗜六書之藝枕籍說文以爲折衷迨今四十餘年矣其遠求近取旁搜曲證

說文而上則有大禹岣嶁之碑周宣岐陽之鼓呂氏
考古圖宣和博古圖郭忠恕汗簡薛尚功鼎韻古文
也說文而下則呂忱字林顧野王玉篇陸法言集韻
唐元慶九經字樣張參五經文字徐鉉係傳林罕小
說張有復古編黃公紹韻會鄭焦周伯溫楊桓戴侗
趙古則于六書皆有論著悉繙討之又嘗受業西涯
李文公友太原喬公希大永嘉林生應龍亦以斯藝
相取文正公少受周伯溫篆形之茂美肆筆數之晚
乃覺其解詁多背說文有誤後學欲犁正之而未暇
也太原公嘗集諸家之篆以韻分之而無所升汰林
生亦著通雅亦古編博矣而無所裁定謫居多暇乃

取說文所遺諸家所長師友所開心思所得彙梓成編以古文籀文爲主若小篆則舊籍已著予得而畧也若形之同解之複而不刪者必有刊補也書成名之曰六書索隱以韻收者俾易緝耳遂申前說序而系之曰伏羲觀圖畫卦文字生焉虞舜依律和聲音韻出焉神皇聖帝君師萬禩垂此二教至周公出文則制六書詩則訓六義郁乎備矣古之名儒大賢降而騷人墨客未有不通此者也秦之吏猶能誦爰歷滂喜漢世童子無不通急就凡將至後漢許叔重著說文十四篇五百四十部本蒼頡之篇九千三百五十三字則秦篆之全其所載古文三百九十六籀文

一百四十五軒周之跡猶有存者重文互體六百二十
十二則上有孔子說楚莊王說韓非說左氏說下有
淮南說司馬相如說董仲舒說衛宏說楊雄說京房
說劉歆說杜林說賈逵說桑欽說傅毅說官溥說譚
長說王育說尹彤說張林說王顥說周盛說逮安說
歐陽僑說竄嚴說爰禮說徐巡說莊都說咸宗古人
不雜臆見可謂有功小學矣自程元岑之隸史游之
章鍾繇之楷出而字日訛梁大同中顧野王著玉篇
凡一萬二千七百七十九字以小楷書寫籀古十訛
其九已自可憾唐上元中南國一妄處士孫強又增
加俗字如竹尙少爲笋昇高山爲杪此乃童兒之見

俳優之嬉何足以污竹素也其間名爲此字學者若
李陽冰則戾古誑俗陸德明則從俗訛音吾無取焉
宋則郭忠恕之雅楊桓之博張有之精吳才老通其
音讀黃公紹泝其原委若鄭樵則師心妄駁戴侗則
肆手影誤又字學之不幸也元猶有熊朋來趙古則
窺班得脊擷英尋寶何物周伯溫者聞見旣陋經術
不通類撼樹之蜉蝣似篆沙之蝸蚓字學之重不幸
又十倍于戴與鄭矣今日此學景廢響絕談性命者
不過剿程朱之滿陳工文辭者止於拾史漢之贅牙
示以形聲孳乳質以蒼雅林統反不若秦時刀筆之
吏漢代奇觚之童而何以望古人宮牆哉慎爲此感

欲以古文籀書爲祖許氏說文爲宗而諸家之說之
長分注其下以衰老之年精力不逮且圖籍散失徧
閱不能乃拔其精華而存其要領以爲此卷深于六
書者試欽玩之知其會同發揮乎古人而非雷同剿
說於諸家矣所收之字幸勿厭其少可以成文定象
砭俗復古矣所注之義幸勿厭其煩可以詁經正史
訂子滙集矣或覽之曰是則孰矣其如道何答之曰
孰卽道也夫子之性道不離乎文章子貢未之合一
耳司馬子長愈益昧此作孔子世家乃曰晚而喜易
韋編三絕其以孔子爲揚子雲以易爲太元而詩書
春秋爲甘泉四賦耶子雲若悟此則藏心美根豈出

于雕蟲篆刻何必晦其少作乎必以元爲極致而識
字爲非則吾夫子從心之年亦何嘗屏撤詩書焚棄
春秋而後爲不踰距哉書成并識此于卷首吾黨有
喜高論而厭下學者聆余斯言其必喙呌而心俞矣
夫

四庫全書提要曰慎自序謂取說文所遺彙萃成編
以古文籀書爲主若小篆則舊籍已著予得而畧云
云蓋專爲古文篆字之學者然其中所載古文籀書
實多畧而未備卽以首卷而論如東韻工字考之鐘
鼎釋文若乙酉父丁癸穆公鼎龍敦九工鑑之類各
體不同而是書均未載及又如共字止載汾陰鼎而

好時鼎上林鼎綏和鼎之類亦均不取且古文罕見者必著所自來乃可傳信而書不注所出者十之四五使考古者將何所據依乎

楊氏慎古文韻語

明志二卷

存

慎自序曰音祖于日聲祖于辰音叶聲從是曰人文孔翼易象箕敷極言永律豈人繫出也天汲古挾冊有慕在昔筮繇盤鑑盟詛昏冠嘏誅疫釁傲教緯憲箴今禁祝圖戒銘贊文有在是滅裂匪獻神徂聖伏文窳采匿奏勺會涓斷珪碎璧空石餘辰寢水暇日

因之窺班庶已賢奕

楊氏

慎

古文韻語別錄

千頃堂書目一卷

存

楊氏

慎

古音複字

千頃堂書目五卷

存

楊氏

慎

古音駢字

千頃堂書目一卷

一作五卷

存

莊氏

履豐鼎鉉

古音駢字續編

小學考 卷二十五

四庫全書目一卷

存

四庫全書提要曰古音駢字一卷明楊慎誤讀編五
卷

國朝莊屢豐莊鼎鉉全誤古人字少而韻寬故用字
往往假借是書取古字通用者以韻分之各注引用
書名於其下由字體之通求字音之通於秦漢以前
古音頗有考證但遺闕過多牽合亦復時有卽以開
卷東冬韻論之如荀子議兵篇云案角鹿埵隴種東
籠而退耳注曰隴種新序作龍種禮論篇曰彌龍注
曰彌如字又讀爲弭楚辭九章曰蓀詳聲而不聞補

注云詳與佯同九歎云登逢龍而下隕兮違故都之
漫漫注云逢一作逢古本作蓬吳越春秋越王無餘
外傳曰大夫曳庸注曰左傳作后庸國語舌庸史記
五帝本紀曰其後有劉累擾龍應劭曰擾音柔故五
帝本紀又曰擾而毅徐廣曰擾一作柔則擾柔字通
倉公列傳曰臣意診其脉曰迴風注曰迴音洞言洞
入四肢漢書地理志曰都龐應邵曰龐音龍師古曰
音襲揚雄傳曰奮六經以攄頌師古曰頌讀若容大
戴禮衛將軍文字篇曰詩云受小共大共爲下國恂
衆注曰今詩爲駿龐五帝德篇曰鳥獸昆蟲考說文
以蟲爲虺然漢代碑刻卽用虫爲蟲則虫蟲通此書

原本續本均未舉及則采摭之未備也又如原本於蠡門二字注出荀子而史記龜策列傳亦作蠡門乃不注續本於蠡冬滿冬門冬引爾雅注而山海經曰其草多芎藭蠡冬乃不注又引廣雅麋芎二字謂芎芎通而管子內政篇曰平正擅芎注曰和氣獨擅芎中亦古芎字乃亦不注則訓釋之未詳也他如園鐘函鐘是黃鐘林鐘別名非黃通爲園林通爲函其浸盧維讀作盧漣恐亦鄭元之改字未可盡槩以古音乃一例定爲通用未免附會然大勢徵引賅洽足資考證古字之見於載籍者十已得其四五亦可云小學之善本矣

楊氏慎奇字韻

明志五卷

存

四庫全書提要曰是編標字體之稍異者類以四聲故曰奇字考六書以說文所載小篆爲正若衛宏楊雄所學則別有古文奇字以非六書偏旁所可推也此書以奇字標名而若說文引經豐其屋豐作豐克岐克嶷嶷作嶷靜女其姝姝作娒庶草繁廡廡作無天地絪縕作壹壹營營青蠅止于樊樊作𣎵故源源而來源源作譔譔泣血漣如連作漣之類雖與今經文異而皆有六書偏旁可求則正體而非奇字且此

類甚多不勝載如說文引尙書蝟夷作塢夷引論語
友便佞便作誦引詩赫兮喧兮喧作愜引周禮膳膏
臊臊作鰥孤乘夏篆篆作輶引易包荒用馮河荒作
荒引詩在河之洲洲作州引易服牛乘馬服作犗引
書濬畎澮距川畎澮作々々引春秋傳翫歲而惕日
翫作忼惕作漱引易夫乾確然確作崔引春秋傳執
玉憊憊作憊引詩納于淩陰淩作勝引論語白圭之
玷玷作刮引書闢四門闢作闕異同之處不可殫數
此書所載殊不及十之二三至於岷之作汝禱之作
禰皆假借字而亦概列爲奇字尤屬不倫又如薑字
下但注一災字而不云本鹽鐵論罕被寇薑音災

膚字下但注一牆字而不云本管子地員篇行膚落
房元齡注爲行膚及籬落闔字下但注一開字而不
云本漢書匈奴傳乃遣闔陵侯將兵別圍車師及今
欲與漢闔大關顏師古注闔與開同荏字但注一槎
字而不云本漢書貨殖傳然猶云山不荏藥師古注
荏古槎字闔字下但注一間字而不云本漢書楊雄
傳東鄰昆侖西馳闔闔師古注闔與閭同則全迷其
所出其字下注音該但引曹植詩而不知淮南子舉
其燧火高誘注其音該汴字下注音流但引賈誼傳
朝廷之視端汴平衡而不知考荀子榮辱篇其汴長
矣楊倞注汴古流字則不溯其所始又如冬韻載案

字引說文而不知漢書地理志蒼梧師古曰梧古松
字與案同一古松字賁字下注云古文斑而不知荀
子疆國篇曰如此下比周賁潰以離上矣楊倞注賁
讀如墳漢書翟方進傳賁麗善爲星師古曰賁音肥
媛字下注與援同而不知漢書李廣傳又作媛臂如
淳曰臂如媛臂其闕佚又不可枚舉蓋愼充於腹笥
特就所記憶者錄之故於諸書不暇詳考然於秦漢
載籍亦已十得三四講六書者去其疵而錄其醇或
亦不無所助焉

楊氏 愼 雜字韻寶

千頃堂書目七卷

存

楊氏慎經子難字

千頃堂書目一卷

存

四庫全書提要曰上卷乃讀諸經義疏所記凡易詩書三傳三禮爾雅十書下卷乃讀諸子所記凡老子莊子列子荀子法言中說管子十州記戰國策太元經逸周書楚詞文選十三書或摘其字音或摘其文句絕無異聞蓋隨手雜錄之文本非著書其孫宗吾過珍手澤編輯成帙而王尚修序刻之均失慎本意也

楊氏 慎分隸同構序

見升菴文集

存

慎自序曰自蒼頡沮誦而下科斗鳥跡以還爲八分爲楷隸其變殫矣說文訓纂字止九千玉篇龍龕至億萬異體別構俗創訛音實繁其文焉暇日搜諸字書合于六書而又叶於八法得什一于千百振體要于碎煩名曰分隸同構嗚呼上谷之翮未覩鴻蹤曇礪之鵝空傳廣本隸古以定通今以行時乎會當有變薑芽之手元和之腳明之存乎其人知遺笑大方之家庶用詒小子之造爾

楊氏慎石鼓文音釋

千頃堂書目三卷

存

四庫全書提要曰是編第一卷爲石鼓古文第二卷爲音釋第三卷爲今文附錄則自唐韋應物至明李東陽所作石鼓詩凡五篇前有正德辛巳慎自序稱東陽嘗語慎及見東坡之本篆籀特全將爲手書上石未竟而卒慎因以東陽舊本錄而藏之金石古文亦有升菴得唐人拓本凡七百二字乃其全文馮惟訥詩紀亦據以載入古逸詩中當時蓋頗有信之者後陸深作金臺紀開始疑其以補綴爲奇至朱彝尊

目下舊聞考證古本以六轡下沃若二字靈雨上我
來自東四字皆慎所強增第六鼓第七鼓多所附益
咸與小雅同文又鼓有臭文郭氏云恐是臭字白澤
也慎遂以惡獸白澤入正文中尤爲欺人明證且東
陽石鼓歌云拾殘補闕能幾何若本有七百餘字東
陽不應爲是言云云其辨託名東陽之僞更無疑義
今考蘇軾石鼓歌自注稱可辨者僅維鯁貫柳數句
則稱全本出於軾者妄又韓愈石鼓歌有年深闕畫
之語則稱全本出唐人者亦妄卽眞出東陽之家亦
不足據况東陽亦僞託歟

陶氏注石鼓文正誤

四庫全書目二卷

千頃堂書目四卷

存

四庫全書提要曰滋字時雨絳州人正德甲戌進士是編以薛尚功鄭樵施宿等石鼓訓釋不免舛謬因親至太學石鼓旁抉剔刻文一一校定然年深闕畫仍多影響揣摩其後序踵楊慎之說謂曾見蘇軾摹本六百一十一字亦失考也

李氏

舜臣

古文考

千頃堂書目

未見

舜臣自序曰自古文降而爲大篆周宣王時史籀所

小

學考

卷二十五

三

爲也其去古文猶如展之于階益降而爲小篆陳矣
今說文中反雜以隸而或稱某籀文某古文則許氏
筆以別于本所存乃其本所存古耶斯耶不可知矣
余考古文以讀六經因及于籀以其爲廣古文而作
至于千古或異者焉易詩書儀禮周禮各若干字

又舜臣與崔後渠書曰舜臣啟爾雅當爲釋經而作
竊意爾雅滯于章句說文滯于邊旁有所長者有所
短與漢儒務存爾雅又于爾雅有滯者焉宋仍漢訓
有不必修又薄爾雅說文不信而信近傳廣韻增第
四義焉宋學不明于義安取大篆已降况秦隸乎今
用秦隸訓古聖人文豈不遠哉且孰非說經而漢儒

執禮過嚴于義反陋宋儒說理過詳于言反淺尊裁幸甚

四庫全書愚谷集提要曰據集所載小序舜臣所著籀文考文六經真音諸書于今皆未見然亦足見其文之根抵也

按舜臣字茂欽號愚谷山東樂安人嘉靖癸未進士官至太僕寺卿

李氏 舜臣 籀文考

千頃堂書目

未見

林氏 應龍 字海

見浙江通志

未見

浙江通志傳曰明林應龍字翔之永嘉人精篆隸擅文學以不能泐忍權貴久淹印局大使著有字海

王氏 三聘 字學大全

陝西通志書目三十二卷

未見

三聘自序曰昔人謂文字之學有三一體製一訓詁一音韻夫篇海體製也四聲音韻也訓詁固嘗刊行而切韻貫珠雜法各自爲帙猶未克一然字須篇以聚之韻以協之法以通之而其學始全茲刊也主韓

氏五音篇韻終以切韻貫珠集附焉統名曰字學大全凡三十二卷

按三聘蓋厓人明僉事

豐氏 道生 金石遺文

四庫全書目五卷

存

明史豐熙傳曰熙鄞人子坊字存禮舉鄉試第一嘉靖二年成進士出爲南京吏部考功主事尋謫通州同知免歸坊博學工文兼通書法而性狂誕晚歲改名道生別爲十三經訓詁類多穿鑿語

四庫全書提要曰道生卽豐坊所更名也坊頗能篆

籀書其諸經僞本多以古文書之至今爲世所詭厲
此書雖采奇字分韻編次但以真書一字直音於下
無所考證亦不注所出體例畧近李登撫古遺文雖
未必全出依託然以道生好譔僞書凡所論譔遂無
不可疑故世無遵而用之者此本又傳寫失真益不
足據矣

陳氏士元 古俗字畧

明志七卷

存

四庫全書提要曰是編標題之下題曰歸雲別集與
所著周易同蓋亦其別集之一種也其例仿顏元孫

千祿字書而小增損之亦以韻分字所列首一字卽元孫所謂正也所列古體及漢碑借用字卽元孫所謂通也所列俗用雜字卽元孫所謂俗也古字多以鐘鼎之文改爲隸體已失其真又不注所出彌爲難據他如窗之爲牕舊之爲𠂔則周伯琦之譌文僞之爲天已之爲萬則釋典之謬體一槩濫收殊乏考正其有已見經典者如左傳民生敦龐毛詩民之方殿屎等字皆斥爲俗字而徐鉉校正說文所云俗書如𠂔个等二十八字反未刊正棄取亦殊失倫士元誤述之富幾與楊慎朱謀偉相埒而是編踈舛不一而足亦貪竒愛博之過歟

按士元字心叔應城人嘉靖甲辰進士官深

州知州

周氏字考啟蒙

明志十六卷

存

黃虞稷書目曰字關中人戶部郎

四庫全書提要曰字字必大自署關中人前有萬歷十一年自序考太學進士題名碑萬歷癸丑科有周宇崇禎初所定逆案中亦有其名然碑稱四川成都人與自題關中不合序作於萬歷十一年已自稱老且疾則不應尙及媚魏忠賢惟咸寧縣志載周宇西

安左衛人嘉靖己酉舉人官戶部主事精識古文奇
字云云當卽其人也編辨字學之語分爲四考曰
正形曰殊音曰辨似曰通用前三門俱以洪武正韻
分部編次惟通用一門分實名虛聲疊字三篇別爲
一列其正形多以篆繩隸加東字同字皆以起鉤爲
譌字如其所說必八法全廢殊拘礙難通殊音卽韻
書之互注然辨古音今音及雙聲轉讀均不甚精核
辨似一門尤爲瑣屑如壺之與壺傳之與傳稍把筆
者皆知之何必縷縷乎通用一門雜取假借之字旣
多挂漏又頗泛濫均不足以言小學也

周氏

字

認字測

明志三卷

存

浙江采集書錄曰認字測三篇明戶部西安周字誤舉八十一字各爲之說以測古人制字之意

周氏字三百篇疊字

陝西通志書目一卷

未見

陝西通志曰明主事咸寧周字誤

金氏世龍六經字原

明志三十卷

未見

黃虞稷書目曰世龍字孟陽長洲人嘉靖辛丑進士

官按察司副使

孫氏樓吳音奇字

江南通志書目

未見

江南通志曰常熟孫樓謨

吳氏存中字學

浙江通志書目十卷

未見

浙江通志引黎書曰存中字致之

呂氏明倫字郭

江南通志書目二卷

未見

江南通志曰建平呂明倫撰

小學考卷二十五終

男崇學拔字